



RESOUS POLITIK YO

Politik: Fèmti Demann Abandone yo nan BRC Manager

Dat Antre an Vigè: 1ye fevriye 2024

Lyen politik la: <https://www.mass.gov/doc/eec-closing-abandoned-requests-in-brc-manager-policy-documenthaitian-creole/download>

Si oumenm oswa anplwaye ou gen kesyon sou politik sa a oswa ou bezwen sipò siplemantè, tanpri kontakte Sant Kontak EEC a nan 617-988-7841.

Kesyon ak Repons sou Demann BRC ki abandone oswa enkonplè

1. Kisa sa vle di pou yon demann BRC fèmen? Èske yo fè yon detèminasyon aptitud?

Yo pa fè okenn detèminasyon aptitud lè yo fèmen yon demann BRC pou rezon ki endike nan politik sa a. Demann BRC a tou senpleman fèmen nan sistèm BRC Manager a.

2. Èske demann BRC yo pou aplikasyon kondisyonèl ak renouvèlman yo pral fèmen?

Wi. Fèmti demann BRC yo pral afekte kandida ki egziste deja yo nan estati kondisyonèl ak/oswa renouvèlman si yo pa pran anprent yo nan 120 jou.

3. E si yon kandida te gen pwoblèm pou fè yo pran anprent li (egzanp: pwoblèm avèk IdentoGO)?

Si yon kandida kounye a an kontak avèk EEC sou yon pwoblèm ki te anpeche yo pran anprent li nan lespas 120 jou, yo pa pral fèmen demann BRC li a. Anplis de sa, si yon kandida gen yon randevou anprent ki pwograme nan yon dat alavni, yo p ap fèmen demann BRC li a. Si yon kandida gen difikilte pou yo pran anprent li, li ta dwe rele Sant Kontak EEC a nan 617-988-7841.

4. E si yon kandida ki gen BRC li fèmen epi l ap travay kounye a nan yon pwogram?

Yon kandida k ap travay kounye a nan yon pwogram epi li gen demann BRC li fèmen, yo dwe retire l nan pwogram aktyèl li a nan lespas 14 jou. Okenn kandida ki gen yon BRC enkonplè oswa fèmen pa ka travay nan yon pwogram jiskaske yo jwenn li apwopriye.

5. E si yon kandida ki gen yon-BRC ki fèmen toujou enterese nan travay?

Si yon kandida vle kontinye pwosesis BRC a apre yo fin fèmen demann abandone li a, pwogram nan ka soumèt yon nouvo fòm konsantman ki siyen ki soti nan men kandida a. Kandida a pral bezwen yo antre l nan Pòtay Pwogram Navigatè BRC a kòm yon «Nouvo Soumisyon» pou pwogram nan. Non kandida a dwe antre egzakteman jan li parèt sou foto idantifikasyon li a.